

謝
伯
陽
編

全
明
散
曲

任
半
塘
校
點



鄭墟泉

鄭墟泉，生平不詳。

套數

賀節〔二〕

【北仙呂點絳脣】節屆新春。臘寒將盡。風俗混人。事紛紜。來往街前遶。

【混江龍】除夕將近。常言道黃土長三分。無錢的愁眉蹙蹙。有錢的喜氣欣欣。賀節酒穀須待客。當家柴米不饒人。仟張要酬蒼天地。三牲要祭祀龍神。禮物要追陪親友。香燭要供養宗親。男子要新鞋新帽。婦人要新襖新裙。女娘要頭箍耳墜。兒童要褙摺包巾。少不得辟瘟的蒼朮。更和那逼勝邪的桃仁。筭來不是歲華臨。看來勝似公差緊。都要放些火炮。札個松盆。

【油葫蘆】幾日之前掃除了塵。黃錢兒貼滿門。更有那掛鍾馗。排茶壘。換將軍。一壁廂春下糍糕粉。一壁廂浸了屠蘇醞。春盛兒將果品裝。湯鍋兒把穀饌陳。更有那金

花巧剪簪雲鬢。無邊光景一時新。

【天下樂】五夜羣僚拜紫宸。人民神香到處焚。各家兒遍將大小分。為僧的參拜僧。為道的朝禮神。都則是睡不安。坐不穩。

【那吒令】思量那遠親。一分分都上門。尋訪那故人。一處處都到門。趨敬那近隣。一家家都進門。走的個腿脚酸。拜的個精神困。沒來由枉費殷勤。

【鵲踏枝】自清晨至黃昏。浪酒閑茶。叉手躬身。一個醉醺醺行着打盹。一個仰扒叉倒在埃塵。

【寄生草】有那等閑遊子戲耍人。將瓜子兒磕着排門兒混。核桃兒飄的沿街兒滾。蓮子兒打了當場兒準。大都是銀錢花費逞風流。一弄兒衣冠濟楚誇英俊。

【幺篇】快樂殺莊家漢。輕狂殺匠作人。一個戴糲糊頭粗氈帽扯的齊眉緊。一個把蒲包樣大套鞋拖着隨脚褪。一個穿荷葉片硬布衫籊的渾身空。或羣兒支着脚。舞着手。挨挨擠擠慢相隨。鎮陣兒打着牙料着嘴。來來往往遙相認。

【賺煞】你看那賣卜的把人招。設帳的將人引。相面的誇張塾孫。看廟的索取錢財又住了門。蹴鞠的三五成羣。打談的扯喉唇亂道胡云。剪縷的專尋鬧裡人。吊白的誑錢騙銀。打拳的撒鎗耍棍。他每都一年之計在于春。（羣音類選）

嘲假斯文(二)

【北越調鬪鵲】踽踽涼涼。搖搖擺擺。弄月調風。勾朋引客。調謊粧么。幫閑喝采。會巧言。能令色。子曰詩云。之乎也哉。

【紫花兒序】敗壞殺歐蘇字體。玷辱殺韓柳文學。賣弄殺李杜詩才。昂昂而去。悻悻而來。何該。惹得親朋隣友怪。假粧成士夫尊大。德行全無。禮義全乖。

【金蕉葉】皮着臉把俚兒拐揣。嚙着涎與嬌娘往來。這壁廂挨人的飯掇。那壁廂將人的酒索。

【么篇】常子在秦樓聽差。幾曾向金門獻策。孔子嘗聞着見責。賢者每看着不采。

【小桃紅】平生無意向書齋。空把時光捱。問字人來便推害。羞殺了棟梁材。但逢報考攢眉額。大學漫猜。中庸不解。信口說胡柴。

【么篇】全憑戲耍適情懷。強把風流賣。說法安身伴豪邁。是不是趁船歪。偷寒送煖偏疾快。呵叱了又來。搶白着不怪。一覓笑盈腮。

【天淨沙】戀賭場擲色翻牌。怕當家辦米供柴。按時景穿紗衣帛。到處裡尋人趨拜。夜深不返家宅。

【調笑令】我見他走來眼慵開。呀。恰便似傀儡提携上戲臺。平白地買頂方巾戴。穿的是闊領衣異樣儒鞋。顧覓的保兒不離側。把相公聲價高擡。

【禿廝兒】說不盡輕狂性格。看不上蠢劣形骸。本是那驢騾裡出驚胎。少教訓。欠了摠。惹禍招災。

【聖藥王】弄慣乖。拉慣猷。思量堪笑亦堪哀。打不開。罵不改。交遊一夥小朋儕。纏的不清白。

【尾聲】從來討盡爺娘債。慣逍遙不尋些買賣。早年間逞英豪。下場頭受窮迫。（羣音類遷）

嘲庸醫新詞

【北南呂一枝花】依經內外科。道地生熟藥。門前堆篋簞。梁上吊蒲包。眼裡熬着。見醫者連聲叫。遇病人把手招。是不是用當歸芍藥調和。動不動下羌活升麻發表。

【梁州】末藥兒不分粗細。丸藥兒怎辨低高。把方術自論如神効。生涯冷淡。鋪面消條。塵生盤秤。鏤上扎鐮刀。喜的是頓買零包。怕的是看貨成交。詐稱呼鍾乳空青。亂攪和牛黃片腦。假捏合血結阿膠。胡纏到老。歛豬的善馬原不妙。兩文錢一貼藥。

脫貨求財利息薄。那里知脉理分毫。

【尾】醫的個張三眼腫扶着牆叫。治的個李四頭疼拄着拐壕。常見人來亂打鬧。一個將銀子貼倒。一個買棺材葬了。仔細冤魂將命來討。（詞珍雅調）

〔一〕詞珍雅調題作「賀節新詞」。

〔二〕此曲亦見詞珍雅調。

〔三〕「搥」，原作「欸」。

〔四〕「翻」，原作「番」。

燕仲義

燕仲義，官參政。生平不詳。

套數

途思〔一〕

【南商調畫眉畫錦】霍索起披襟。見鷄窓下有殘燈。把行囊束整。跨馬登程。傷情。半世隨行琴和劍。幾年辛苦為功名。從頭省。只落得水宿風餐。帶月披星。

【畫錦畫眉】冥冥。霧淡雲輕。蕭寺漸遠。猶聞得隱隱鐘聲。離却邯鄲。遙觀野外烟凝。銀河落斗柄初橫。玉露冷衣襟濕潤。懊恨。牢落在江湖上。身一似浪裡浮萍。

【簇林鶯】黃花綻滿路馨。見人家半啟扃。只聽得馬蹄兒跼的跼蹬穿荒徑。睡犬早驚。哀猿忍聞。只見兩兩三三。牧童騎犢。過了荒郊徑。數郵亭。長亭共短亭。一亭過了又一亭。

【黃鶯兒】伐木響丁丁。傍幽林取次行。只聽得敗葉兒淅零索落隨風韻。殘月尚明。

殘星尚存。碧溪清淺。梅橫疎景。筭行程。山程共水程。一程過了又一程。

【螃蟹令】霧斂雲收。曙色漸明。隱約遠山青。只聽得豁喇喇澎湃波濤怒。響潺潺石澗水傾。白蘋洲。紅蓼汀。料想眠鷗宿鷺驚。

【一封書犯】芳草渡岸濱。野渡無人舟自橫。江潮定水平。葦葭浦濕帶浪痕。漁翁尚卧在蘆花深雪裡。瀟瀟洒洒。五湖烟景有誰爭。

【馬鞍兒】〔三〕怪石似劍排空陣。連雲棧怎生登。巉巖峻嶺。崎嶇戰戰兢兢。迤邐無人存問。西風吹鬢。帽簷半傾。東方潑眼。紅日漸昇。前途且喜村莊近。

【皂羅袍】酒旗竹籬掩映。買三杯消渴〔三〕。少助精神。素壁中間畫劉伶。竹筴共磁甌相稱。香橙螃蟹。正當此景。菊花新酒。和誰宴飲。教人止不住思鱸興。

【梧葉兒】名韁利鎖苦相縈。背雙親。離鄉背井。何時名位到公卿。受艱辛。一言難盡。慕聽得晨鷄三唱。直待曉鐘始停。好傷情。回首望家鄉淚暗傾。

【水紅花】漸覺日高丈五。聽離巢鳥亂鳴。見古樹纏枯藤。冷清清。深秋光景。一灣流水遶孤村。小橋橫。人烟寂靜。八九間茅簷草舍。三兩行雁南征。嘹嘹嚶嚶叫聲頻也嘍。

【尾聲】趲絲鞭。敲金鐙。到得都下始安寧。直待衣紫腰金方稱心。（羣音類選）

複出

套數

愁思

【南南呂懶畫眉】小名兒牽掛在心頭。

吳飲萃雅、詞林逸響、古今奏雅題作「愁思」，南音三籟題作「情思」，俱注燕仲義撰。睡窗絨、羣音類選、吳騷二集、彩筆情辭、吳騷合編皆屬沈青門。梁辰魚江東白苧改沈青門作。茲已輯於沈梁兩家卷中，此不重出。

〔一〕吳飲萃雅、詞林逸響、珊瑚集、古今奏雅題作「秋閨」，南音三籟題作「秋日旅思」，樂府南音題作「秋閨旅思」，萬錦清音題為「秋旅」，南詞新譜錄「畫眉畫錦」、「馬鞍帶皂羅」兩隻，題作「旅思」，俱注燕仲義撰。羣音類選題為「途思」，新編南九宮詞無題，皆署燕參政。

〔二〕「馬鞍兒」，南詞新譜作「馬鞍帶皂羅」。

〔三〕「渴」字原奪，茲補。

蘇子文

蘇子文，生平不詳。

小令

【北仙呂寄生草】

集常談

豬銜柴狗燒火。羊上樹馬躑躅。蛇鑽的窟窿蛇知道。佳人有意郎君俏。巧人兒做了拙人兒笑。這山望着那山高。黃梅不落青梅落。（北宮詞紀）

【北雙調河西六娘子】

詠柱腰

軟玉溫香抱滿懷。護定了小可身材。嬌羞常掩輕盈態。呀。同心結解開。香羅帶放開。

纔見多情小奶奶。（北宮詞紀）

【南仙呂入雙調玉抱肚】

詠貨郎鼓

搖搖將近。小聲名面皮頗村。雖然是兩耳垂肩。止不過一腔風韻。擔頭擔盡洛陽春。
勾引調脂傅粉人。（南宮詞紀）

【南雙調鎖南枝】

集常談

識迴避。躲是非。路上行人人口似碑。雞兒不撒尿。魚兒不喫水。門裏人。地裏鬼。馬
躡着車。鬼扯着腿。（南宮詞紀）

休搗鬼。莫出神。打着燈籠沒處尋。跳在麵粉盆。撞入迷魂陣。差打帳。錯上墳。悔
氣星。糊突運。（南宮詞紀）

現世報。活倒包。過了橋兒就拆橋。人牢物也牢。心高命不高。湯澆雪。火燎毛。窮
似煎。餓似炒。（南宮詞紀）

一家貨。差不多。冷鋪門前沒半哥。船家打老婆。水深人不過。撥不倒。沒奈何。弄死人。笑殺我。（南宮詞紀）
不能勾。且罷休。此處無魚別下鉤。女大不中留。外甥多像舅。秦不管。魏不收。糧不稂。莠不莠。（南宮詞紀）

套數

集常談

【南仙呂桂枝香】坐壇遣將。隔壁告狀。沒來由打水不渾。平白地無風起浪。我是賣醋的老王。我是賣醋的老王。入門三相。人有相像。物有相像。細思量。誰人打籬誰喫麵。那個偷牛那拔樁。

【黃鶯兒】有麝自然香。鷄窩裡出鳳凰。秀才好不在頭巾上。栽葫蘆傍牆。養女兒像娘。別人肉貼不在你頰腮上。莫輕狂。不疼不痒。說得你透心涼。

【僥僥令】道三不着兩。四下亂倡揚。取得經來唐三藏。再莫管他人瓦上霜。

【前腔】未來休指望。過去莫思量。土地老兒沒肩膀。敢自有傍人話短長。

【催拍】那曉得三綱五常。只知道七青八黃。圓鴨蛋裡棹槳。竹竿空長。肚裏無穰。

前人栽樹。後人乘涼。撞東牆只撞東牆。上不得廟和堂。

【不是路】賣狗懸羊。驢糞毬兒外面光。瞞天謊。清涼瓦屋呷稀湯。受恓惶。前生少欠冤業帳。大熟年成隔壁荒。何須講。□□弄得絲兒樣。七損八傷。七損八傷。

【解三醒】那管他娘兒姓蔣。聽不上鬼念文章。我買了炮仗〔二〕別人放。前月支過後月糧。精瞎帳。不願麀鹿兔。只願細犬還鄉。

【掉角兒】〔三〕看了他結交四方。看了他日月三光。那些個金玉滿堂。那些個綾錦千箱。買豬頭。饒尾耙。喫虱子。留後腿。做模打樣。烟燠佛像。掛在壁上。這樣施主。這樣和尚。

【尾聲】人心不足蛇吞象。惹得狼來屋裡藏〔三〕。一箇雷聲天下響。（羣音類選）

〔一〕「砲仗」，原作「炮煨」。

〔二〕「掉角兒」，原作「調角兒」。

〔三〕「藏」，原作「狼」。

兩兩黃鸝聲送。無語腸斷凝眸。撥落東風。畫笛聲三弄。新悅豪。何事久飄蓬。迢遞關河難阻相思夢。恨天涯浪迹何處覓行踪。思空。恨塞滿蒼穹。悲空。淚盡夢啼中。

套數

夏懷

【南呂香遍滿】相思羸病。宿債擬想欠前生。林稍肥綠殘春盡。展轉獨閒行。雕欄自憑。對景倍淒清。怕見那孤單影。

【懶畫眉】紙條風弄響窓楞。漱玉笙簧懶酌罇。石磯深處水盈盈。方牀湘簟枕。因他害得夜無時明。

【梧桐樹】他何處裏歡情。丟得人心冷。自別如今。一似三秋梗。書□□□□□□□。

□□□□□□□□。幾番難遣黃昏。【浣溪沙】憔悴身形。傷情對景。怨無情懊惱傷情。冤家又不憐。卧不寧。斜倚薰籠翠衾。真薄命。恨無聊。只落得搥床枕無眠。坐滅殘燈。

【劉潑帽】思省。為他多愁詠。合歡一刻抵千金。不才為帶楊花性。戀情人。不顧青樓紅粉。

孤另。淒涼有四星。

【金蓮子】秋思增。陣陣風掃閒花徑。哀不絕。悲痛怎禁。怕聽夜雨頻添蟋蟀聲。

【尾聲】

 惟有離恨深。

秋悲

【南南吕香遍滿】慙慙憔悴。幾回暗自含羞。羞向人前問因由。為他嬌且柔。如何不管人愁。何時得唱酬。這愁撮在眉尖皺。

【懶畫眉】我坐落花他水流。露水夫妻不到頭。沉沉冤恨幾時休。人比黃花瘦。恨殺無言獨倚樓。

【梧桐樹犯】〔四〕聽更漏籌。夜雨響洩洩。簷前鐵馬。風弄頻頻奏。〔絳線〕香馥馥倚着。

黃金獸。這相思惱斷人腸。刺上心頭。〔五更轉〕螢燈數點疎櫺透。手托香腮。淚珠濕。

透衣衫袖。

【浣溪沙】我意爾真。他忘了舊。一片恩情付了水東流。陣陣金風羅幃透。蕭蕭落葉。山容瘦。可能勾重整舊風流。冷淒淒坐坐燼薰籠。誰共唱酬。

【劉潑帽】
 樓他那裏求鸞儔。

□ □ □ □ ○

【秋夜月】情變做讐。却忘了枕邊咒。海誓山盟成虛繆。幾回嗟嘆他知否。狠起來丟手。欲拋難開口。

三、谷拉剪開。【東甌令】難排遣。失去憂。十二珠簾懶上鈎。容顏清減非如舊。幾回暗點頭。不見傳書北雁秋。還想在汀洲。

【金蓮子】記留紅葉。傳情詩一首束在身邊。緊緊收。怕見那雙飛蛺蝶。對對語燕入南樓。

【尾聲】到落了他人後。他若還想舊風流。薰香鴛枕求邂逅。

冬思

【南正宮傾杯玉芙蓉】幽閣沉沉絕繁華。寶鴨拈香罷。且將那鼓動瑤琴。孤鳳求凰。